

ကမလာဉ္ဇလိ

၁. ကမလာသန ကမလာပတိ ပမထာဓိပ ဝဇီရာ၊
ယုဓအနဝ မနုဇောရဂ ဘုဇကသန ပတိနံ။
မကုဠာဟိတ မနိဒီဓိတိ ဘမရာဝလိ ဘဇိတံ၊
ပဏမာ'မဟံ အနဃံ မုနိ စရဏာမလ ကမလံ။
၂. ကမလာလယ သဒိ'သဠိတ ကလမဋ္ဌလ ရူစိရုံ၊
ဇုတိရုဠိတံ အဘိနိဇ္ဇိတ သုဘကဉ္စန နလိနံ။
ဇနိတာ စိရ သမယေ နိဇ ပိတု ဘူပတိ နမိတံ၊
ပဏမာ'မဟံ အနဃံ မုနိ စရဏာမလ ကမလံ။
၃. သရဏာဂတ ရဇနီပတိ ဒိနသေခရ နမိတံ၊
ဘဇိတာဓိလ ဇနဟဝနံ အဘိကဠိတ သုခဒံ။
ဝသုဓာတလ သယမုဂ္ဂတ သရသီရုဟ မဟိတံ၊
ပဏမာ'မဟံ အနဃံ မုနိ စရဏာမလ ကမလံ။
၄. ဒိရအသန တရူပန္တိက ဃဠိတာသနံ အဘယံ၊
ဝိဇယာသန သမဓိဠိတ စတုရဋ္ဌိက ဝိရိယံ။
ဓရမာနက သုရိယေဟနိ ဝိဇိတန္တက ဓဇိနိ၊
ပဏမာ'မဟံ အဘိဟတိတ နမုစိဒ္ဓဇ ဝိဘဝံ။
၅. သဒယောဒိတ ပိယဘာရတိ ဝိဇိတန္တက သမရုံ၊
ဒသဟရမိ ဗလကမ္ပိတ သဓရာဓရ ဓရနိ။
ဂိရိမေခလ ဝရတရန သိရသာနတ စရဏံ၊
ပဏမာ'မဟံ အဘိနန္ဒိတ သနရာမရ ဘုဝနံ။
၆. နိခိလာသဝ ဝိဂမေ'နတိဝိမလိကတ ဟဒယံ၊
တဒနန္တရ ဝိဒိတာဓိလ မတိကေစရ ဝိသယံ။
ဝိသယိကတ ဘုဝနတ္တယံ အတိလောကိယ စရိတံ၊
ပဏမာ'မဟံ အပရာဇိတံ အရဟံ မုနိ အသမံ။
၇. မုဒုဘာရတိ မဓုဟသိတ နလိနောပမ ဝဒနံ၊
ရူစိရာယတ နလိနိဒလ နိဘ လောစန ယုဂလံ။
ဥဒယောဒိတ ရဝိမဏ္ဍလ ဇလိတာမလ နိဠိလံ၊
ပဏမာ'မဟ အကုတောဘယံ အနဃံ မုနိ ပမုခံ။
၈. အသိတမ္ပုဒ ရူစိကုဠိတ မုဒု ကုန္တလ လလိတံ၊
ဘုဝနောဒရ ဝိတတာမိတ ဇုတိသဉ္ဇယ ဇလိတံ။
မဒမောဒိတ ဒိရအေပမ ဂတိဝိဗ္ဗမ ရူစိရုံ၊
ပဏမာ'မဟံ အမတန္ဒဒ မုနိပုဂ္ဂံ အသမံ။
၉. ကရုဏာရသ ပရိဘာဝိတ သဝဏာမတ ဝစနံ၊
ဝိရုအဝလိ သတဃောသိတ ယသပူရိတ ဘုဝနံ။

သုမနောဟရ ဝရလက္ခဏာ သိရိသဉ္ဇယ သဒနံ၊
ပဏမာ'မဟံ ဥဒိတာမလ သသိမဏ္ဍလ ဝဒနံ။

၁၀. ဝိနယာရဟ ဇနမာနသ ကုမုဒကရ သသိနံ၊
တသိနာပဂ ပရိသောသန သတဒိဓိတိ တုလိတံ။
တမနာသဝ မုနိသေဝိတံ အပလောကိတ သုခဒံ၊
ပဏမာ'မဟံ အနိကေတနံ အခိလာဂတိ ဝိဂတံ။

၁၁. သဟိတာခိလ ဘယဘေရဝံ အဘယာဂတ သရနံ၊
အဇရာမရ သုခအယကံ အနိရာကတ ကရဏံ။
တမုဟသက ဇနသေဝိတ သုပတိဋ္ဌိတ စရဏံ၊
ပဏမာ'မဟံ အဟိတာပဟံ အနဃုတ္တမ စရဏံ။

၁၂. ကရုဏာမတ ရသပုရိတ ဝိမလာခိလ ဟဒယံ၊
ဝိဟိတာမိတ ဇနတာဟိတံ အနုကမ္ပိတ ဘုဝနံ။
ဘုဝနေ သုတံ အဝနီပတိ သတ သေဝိတ စရဏံ၊
ပဏမာ'မဟံ အနဃံ မုနိ အဃနာသန စတုရံ။

၁၃. အရတီရတိ ပရိပိလိတ ယတိမာနသ ဒမနံ၊
နိဇသာသန ဝိနိတရိတ ပုထုတိတ္ထိယ သမဏံ။
ပရတဒိက ဇနတာကတ ပရိဘာသိတ ခမနံ၊
ပဏမာ'မဟံ အတိဒေဝတ ဝရ ကေတမ သမဏံ။

၁၄. သရဏာဂတ ဘယနာသန ဝဇိရာလယ ပဏိဘံ၊
ဘဝသာဂရ ပတိတာမိတ ဇနတာရန နိရတံ။
သိရသာဝဟံ အမလဉ္ဇလိ ပုဋ္ဌပဋ္ဌဇ မကုလံ၊
ပဏမာ'မဟံ အခိလလာယ ဝိဂတံ မုနိ အတုလံ။

၁၅. ဝိမလိကတ ဇနမာနသ ဝိဂတာသဝ ဘဂဝံ၊
ဘဝဟရဂ ဝိဘတမတ သုခအယက သတတံ။
ပရမာဒရ ဂရုကရဝ ဝိနတံ ဇိန ပယတံ၊
ပဒပဋ္ဌဇ ရဇသာ မမ သမလဋ္ဌရ သိရသံ။

၁၆. ပဝနာဟတ ဒုမပလ္လဝံ ဣဝ နာရတ စပလံ၊
ဘဝလာလသ မလိနိကတံ အဇိတိန္ဒြိယ နိဝဟံ။
စိရ သဉ္ဇိတ ဒုရိတာဟတံ အနိတရိတ တိမိသံ၊
ဝိမလိကုရ ကရုဏာဘရ သုတရံ မမ ဟဒယံ။

၁၇. အဒယေ ဒယံ အနယေ နယံ အပိ ယော ဂုဏံ အဂုဏော၊
အဟိတေ ဟိတံ အကရော ကုဝစိဒ အပိ ကေနစိ နကတံ။
သဒယေ ဇိန သုနယေ ဂုဏသဒနေ တယိ နိတရံ၊
သုဟိတေ ဟိတစရိတေ'နဃ ရမတေ မမ ဟဒယံ။

၁၈. ဘဝသဋ္ဌဋ္ဌ ပတိတေနပိ ဘဝတာ စိရ စရိတံ၊
ဝိသမေ သမ စရဏံ ခလု ဒသဟရမိ ဘရဏံ။
သရတော'ဟနိ သရတော နိသိ သုပိနေနပိ သတတံ၊
ရမတေ ဇိန သုမတေ တွဝယိ သဒယံ မမ ဟဒယံ။

၁၉. အတိဒုဒ္ဒဒံ အဒဒီ ဘဝံ အတိဒုက္ကရံ အကရိ။
အတိဒုက္ခမံ အခမိ ဝတ ကရုဏာနိဓိ'ရသမော၊
ဣတိ တေ ဂုဏံ အနဃံ မုနိ သရတော မမ ဟဒယံ၊
ရမတေ'ဟနိ ရမတေ နိဿိ ရမတေ တ္တဝယိ သတတံ။

၂၀. အတိဒုစ္စရံ အစရိ ဘဝံ အတိဒုဒ္ဒမံ အဒမိ၊
အတိဒုဒ္ဒယံ အဒယီ ဝတ သဒယာပရ ဟဒယော။
ဣတိ တေ ဂုဏံ အနဃံ မုနိ သရတော မမ ဟဒယံ၊
ရမတေ'ဟနိ ရမတေ နိဿိ ရမတေ တ္တဝယိ သတတံ။

၂၁. အတိဒုဂ္ဂမံ အဂမိ ဘဝံ အတိဒုဇ္ဇယံ အဇယီ၊
အတိဒုဿဟံ အသဟီ ဝတ သမုပေက္ခိတ မနသော။
ဣတိ တေ ဂုဏံ အနဃံ မုနိ သရတော မမ ဟဒယံ၊
ရမတေ'ဟနိ ရမတေ နိဿိ ရမတေ တ္တဝယိ သတတံ။

၂၂. အတိအရုန ပလယာနလ သဒိသာနလ ဇလိတေ၊
နိရယေ ဝိနိပတိတော စိရံ အဃတာပိတ မနသော။
န သရိ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ နရသာရထိ တမိဒံ မမ ခလိတံ။

၂၃. တိရိယဂ္ဂတ-ဂတိယံ စိရံ အနဝဋ္ဌိတ စရိတော၊
အတိနိဠရ ဝဓတဇ္ဇိတ ဘယကမ္ပိတ ဟဒယော။
န သရိ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ပုရိသုတ္တမ တမိဒံ မမ ခလိတံ။

၂၄. ပရိဒေဝန နိရတော စိရံ အထ ပေတ္တိယ ဝိသယေ၊
သုဇိဃစ္ဆိတ သုပိဟသိတ ပရိသောသိတ ဇဌရေ။
န သရိ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ဒိပဒုတ္တမ တမိဒံ မမ ခလိတံ။

၂၅. ဝိဝသော ဘုသံ အဃဒူသိတ မနသာသုရ ဝိသယေ၊
ဇနိတော ဃနတိမိရေ စိရံ အတိဒုက္ခိတ ဟဒယော။
န သရိ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ဝသိသတ္တမ တမိဒံ မမ ခလိတံ။

၂၆. မနသာ စိရ ဝိဟိတံ သရံ အတိကိဗ္ဗိသ စရိတံ၊
သမထေနထ သုဝိရာဇိယ တံ အသညိတံ ဥပကေ။
န သရိ သကိဒပိ တေ ပိတ ဘဇိတုံ ပဒ နလိနံ၊
ခမ ကေတမ ဝသိပုဂ္ဂဝ တမိဒံ မမ ခလိတံ။

၂၇. ဝိဇိဂုစ္ဆိယ ဒုရိတံ နိဇ ဝပုသာ ကတံ အမိတံ၊
တန ဝဇ္ဇိတံ ဥပကေ ဘဝံ ဣဟ ဘာဝိတ သမထော။
န သရိ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ယတိကုဉ္ဇရ တမိဒံ မမ ခလိတံ။

၂၈. ရတနတ္ထယ ရဟိတေ ဘုသ ဗဟုလီကတ ဒုရိတေ၊
ဇနိတော ပရဝိသယေ ဗုဓဇန နိန္ဒိယ စရိတေ။

န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ကရုဏာနိမိ တမိဒံ မမ ခလိတံ။

၂၉. ဇနိတော ယဒိ မနုဇေသုပိ ဝိကလိန္ဒိယူ နိဝဟော၊
တနုနာ ကရုဏာဏာဒိဟိ ဝိကတေ 'နိဟ ဒုခိတော။
န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ မတိသာဂရ တမိဒံ မမ ခလိတံ။

၃၀. ဝိခိနာဟိတ မတိဘာဝန ရဟိတော တမပိဟိတော၊
ဝိသဒေသုပိ ကုသလာဒိသု တထဒဿန ဝိမုခော။
န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ နရကေသရိ တမိဒံ မမ ခလိတံ။

၃၁. သုစိရေနပိ ဘုဝိ ဒုလ္လဘံ အသမံ ခဏံ အလဘံ၊
သနရာမရ ဇနတာဟိတ သုခဒံ မုနိ ဇနနံ။
န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ဝဒတံဝရ တမိဒံ မမ ခလိတံ။

၃၂. နိသိတာယုဓ ဝဓသဇ္ဇိတ ခဠှနိဒ္ဒယ ဟဒယော၊
ပရဟိသန ရုစိ ဘိသန ယမသောဒရ သဒိသော။
န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ မုနိသတ္တမ တမိဒံ မမ ခလိတံ။

၃၃. ပရသန္တက ဟရဏေ ကတမတိ ဗညန ဗဟုလော၊
ဃရသန္တိက ပရိပန္တိက သဟသာကတိ နိရတော။
န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ မုနိပုဋ္ဌဝ တမိဒံ မမ ခလိတံ။

၃၄. နဝယောဗ္ဗန မဒဂဗ္ဗိတ ပရိမုစ္ဆိတ ဟဒယော၊
သုစိသဇ္ဇန ဝိဇိဂုစ္ဆိယ ပရအရိက နိရတော။
န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ကရုဏာဘရ တမိဒံ မမ ခလိတံ။

၃၅. မဒိရာသဝရတ နာဂရဇန သန္တတ ဘဇိတော၊
ဂရုကရဝ ဟိရိဒူရိတ တိရိယဂ္ဂတ စရိတော။
န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ဝိဟတာသဝ တမိဒံ မမ ခလိတံ။

၃၆. သပိတာမဟ ပပိတာမဟ နိစိတံ ဓနံ အမိတံ၊
ပိတုသဉ္ဇိတမပိ နာသိယ ကိတတေ ဟတဝိဘတေ။
န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ဝိဇိတန္တက တမိဒံ မမ ခလိတံ။

၃၇. ဝိတထာလိက ဝစနော ပရပိယသုညတ ကရဏော၊
ဖရူသံ ဘဏံ အတိနိပ္ပလ ဗဟုဘာသန နိပ္ပဏော။
န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ဘုဝနေသုတ တမိဒံ မမ ခလိတံ။

၃၈. ပရသမ္ပဒံ အဘိဈာယန နိရုတ္တရ ဒုခိတော၊
နဘိရုဇ္ဈန ပရမော က္ကဝဏိ ဖလဒဿန ရဟိတော။
န သရီ သကိဒပိ တေ ပိတ ဘဇိတုံ ပဒနလိနံ၊
ခမ ကေတမ ဂုဏသာဂရ တမိဒံ မမ ခလိတံ။
၃၉. ဘဝတော ဘဝံ အပရာပရံ အယတာစိရံ ဣတိ မေ၊
ဝပုသာ အထ ဝစသာပိ စ မနသာ ကတံ အမိတံ။
ခမ ကေတမ ဒုရိတာပဟ ဒုရိတံ ဗဟုဝိဟိတံ၊
ဒဒ မေ သိဝပဒံ အစ္စုတံ အမတံ ဘဝဝိဂတံ။
၄၀. တိမိရာဝုတ ကုဏဟကုလ ဝိဇီဂုစ္ဆိယ ပဝနေ၊
ဇနိကာသုစိ ဇေဌရေ ဗဟု ကိမိသန္တတိ သဒနေ။
အသယံ ဘဝဂဟဏေ စရံ အဟံ အပ္ပဋိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။
၄၁. ဗဟိ နိက္ခမံ အသက္ကံ ဘဂတိရိယံ ပထ ပတိတော၊
အဂဒ္ဒရ ကတ သလ္လက သတခဏ္ဍိတ ကရဏေ။
အမရိ ဘဝဂဟဏေ စရံ အဟံ အပ္ပဋိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။
၄၂. ပတိတော ဗဟိ ရတိပိလ္လက တနုရာမယ မထိတော၊
ဝဒိတုံ ကိမ္မ ဝဒိတုမ္ပိ စ န သဟံ မတိရဟိတော။
အမရိ ဘဝဂဟဏေ စရံ အဟံ အပ္ပဋိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။
၄၃. ဇနိတော ယဒိ သုခိတော ဇနဒယိတော ပိယဇနကော၊
ပုထုကော ဗဟုဝိခ-ကီလနနိရတော ဂဒဂဟိတော။
အမရိ ဘဝဂဟဏေ စရံ အဟံ အပ္ပဋိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။
၄၄. တရုနောပိ ဟိ ဃရဗန္ဓန ဂထိတောမိတ ဝိဘတေ၊
သဟသာ ဂဒဂဟိတော ပိယဘရိယာသုတ ဝိယုတော။
အမရိ ဘဝဂဟဏေ စရံ အဟံ အပ္ပဋိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။
၄၅. အဇရံ တနံ အဘိမညိယ နဝယောဗ္ဗန ဝသိကော၊
ဇေသာ ပရိမထိတော ပရံ အနုနုဋ္ဌိတ ကုသလော။
အမရိ ဘဝဂဟဏေ စရံ အဟံ အပ္ပဋိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။
၄၆. နိရုဇော ဓုဝံ အရုဇံ တနံ အဘိမညိယ သမဒေါ၊
ကုသလာသယ ဝိမုခော ဘုသံ အဝသော ဂဒနိဟတော။
အမရိ ဘဝဂဟဏေ စရံ အဟံ အပ္ပဋိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။
၄၇. ပဝိစိန္တိယ သကဇိဝိတံ အမရံ ဓုဝံ အနိဿံ၊
ဣတိ ဇိဝိတမဒဂဗ္ဗိတ မတိရုဇ္ဈိတ ကုသလော။

အမရိၣ် ဘဝဂဟဏေ စရံ အဟံ အပ္ပဋ္ဌိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၄၈. ပရဟိသန ဓနမောသန ပရဒရိက နိရတော၊
ဓရနိပတိ ဂဟိတော ဗဟု ဝဓဗန္ဓန နိဟတော။
အမရိၣ် ဘဝဂဟဏေ စရံ အဟံ အပ္ပဋ္ဌိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၄၉. နရကောဒက ပတိတော ဂိရိတရမတ္ထက ဂလိတော၊
မိဂတဠက ဂဟိတော ဝိသဓရ ဇာတိဟိ ဥသိတော။
အမရိၣ် ဘဝဂဟဏေ စရံ အဟံ အပ္ပဋ္ဌိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၅၀. အဘိစာရက ဝိမိကောပိတ နိသိစာရက ဂဟိတော၊
သဝိသောဒန သဟသာဒန ပဘုတိဟိ စ ခလိတော။
အမရိၣ် ဘဝဂဟဏေ စရံ အဟံ အပ္ပဋ္ဌိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၅၁. သယမေဝစ သဇနောပရိ ကုပိတော မတိဝိယုတော၊
သဝိသာဒန ဂလကန္တန ပဘုတာမိတ ခလိတော။
အမရိၣ် ဘဝဂဟဏေ စရံ အဟံ အပ္ပဋ္ဌိသရဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၅၂. ပိတုပူဇန နိရတာသယ သုခိတော ပိတုဒယိတော၊
မရဏေနစ ပိတုနော ဘုသံ အနုသောစန နိရတော။
ပရုဒိ စိရံ အတိဒုဿဟ ကသိရေ ဘဝဂဟဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၅၃. သမုပဋ္ဌိယ ဇနိကံ နိဇံ အဘိတဒန ပရမော၊
မရဏေနစ ဇနိကာယနုသရိတာ ဂုဏမဟိမံ။
ပရုဒိ စိရံ အတိဒုဿဟ ကသိရေ ဘဝဂဟဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၅၄. ဂုရုဒေဝတ ပတိမာနန ပရမော ပိယသုဝစော၊
သမုဟသိတစရဏော ဂုရုမရဏေနတိဒုခိတော။
ပရုဒိ စိရံ အတိဒုဿဟ ကသိရေ ဘဝဂဟဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၅၅. ဃရမေမိတံ ဥပကေမိတဝိဘတေ ရတိဗဟုလော၊
မရဏေ ပိယဘရိယာသုတဒုဟိတူ နတိကရုဏံ။
ပရုဒိ စိရံ အတိဒုဿဟ ကသိရေ ဘဝဂဟဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၅၆. ပိယပုဗ္ဗဇ သဟဇာနုဇ ဘဂိဏိဒ္ဒဝယ မရဏေ၊
နိဇ ဗန္ဓဝ-သခ-သိဿက မရဏေ ယ္ဓတိကရုဏံ။
ပရုဒိ စိရံ အတိဒုဿဟ ကသိရေ ဘဝဂဟဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၅၇. ဇေတီပတိ ဂဟဏာ ရိပုဇနတက္ကရ ဟရဏာ၊
သရိတောဒက ဝဟဏာ ပုထုဇလိတာနုလ ဒဟဏာ။
ပရုဒိ ဟတဝိဘတေ စိရမိဟ ဒုက္ခတိဂဟဏေ၊
သရဏံ ဘဝ ဘဂဝံ မမ ဘဝနီရမိ တရဏေ။

၅၈. အတိဒုဂ္ဂမ ဝိသမာကုလ ဘဝသဠဋ္ဌ ပတိတေ၊
ဗြသနံ စိရမိတိ ဒုဿဟံ အနဘူယပိ ဝိမိတံ။
န ဇေဟ သုခလဝဝဋ္ဌိတဟဒယော ဘဝတသိနံ၊
တမဟကုရု ကရုဏာနိမိ တသိနံ မမ ကသိဏံ။

၅၉. ဇေနာဝမိ မရဏံ ဝိယ မရဏာဝမိ ဇေနံ၊
ဥဘယေနပိ ဘယမေဝဟိ ဘဝတော မမ နိယတံ။
သိဝမေဝစ ဇေနာဝမိ မရဏာဝမိ ရဟိတံ၊
ဒဒ မေ သိဝံ အမတန္ဒဒ တံ အနာသဝ ဘဂဝံ။

၆၀. စိရဒိက္ခိတမပိ မေ မနံ အနိတရိတ တသိနံ၊
ဘဝတော ဘဝ ရတိပီလိတံ အဟဟော ကလိယဋ္ဌိတံ၊
တမတော ပိတ ဘယတော မမမဝ မေ ဘဝ သရဏံ၊
ဘဂဝံ ပဋိသရဏံ မမ ဘဝနီရမိ တရဏံ။